

Sier Thoma' Lion, fo provedador a le biave, qu.
sier Filippo.

Sier Piero Bernardo è di Pregadi, qu. sier Hiro-
nimo.

Sier Gasparo Malipiero savio a terra ferma, qu.
sier Michiel.

Non voglio restar di scriver: come inteso questa
nova quasi certa dil perder di Brexa, e non sapendo
quello che sia seguito de li capi et di le zente nostre
e di stratioti, tutta la terra si lamentava dil Colegio
e dil mal governo et di le poche provision si ha fato
poi l'acquisto di Brexa; prima non è stà fato fanti,
che se ne doveva far 6000 fanti e mandarli in Bre-
xa, l'altra mandarli *solum* 4 pezi di artelarie, zoè
do canoni di 40 e do falconeti di 20, poi poca pol-
vere che non haveano *solum* auti barili ch'è
una miseria, e in campo di spagnoli la Signoria no-
stra à mandà barili 1100 da esser messi a conto lo-
ro; si che il Colegio era molto cargato, e si come-
morò il Doxe non sentiva di tuor Brexa e contradi-
se, però non è stà provisto; sichè ognun diceva la soa.
Tutti di mala voglia erano, et non si sentiva piacer
niuno ma cordoglio; non pareva carlevar, ma la se-
timana sancta, perchè questa è stà di le pessime nove
si habi auto zà molti e molti anni e forsi mai più
questa terrà di aver perso la terra di Brexa, che ad
averla ne deva grandissimo favor a l'acordo con
l'Imperador; et poi tanta zente d'arme, stratioti e
fantarie, et poi li capi, ch'è il fior dil campo nostro,
e non *solum* dil campo, ma quasi de tutta Italia; poi
quel degno proveditor et capitano di exercito valo-
roso sier Andrea Griti procurator di San Marco, el
qual mal volentiera ritornò la seconda volta come
auguro dil danno dovea seguir, et *continue* scriveva
a la Signoria nostra si provèdi, dolendosi de le po-
che provisioni si feva, come per le sue lettere si ve-
de, parte di le qual ho copiato di sopra a eterna
memoria; el qual proveditor Griti è zà anni 7 ch'è
in campo a servicii nostri. Et per non multiplichar
più in parole, la terra tutta era di malavoia, ma li
padoani e trivixani rebelli erano contenti, e di loro
bisogna far provisione. Et acciò sia memoria dil Co-
legio in questo tempo, qui soto è posto.

Colegio in questo mexe di fevrer.

Conseieri.

Sier Bortholamio Minio.

Sier Marco Donado.

Sier Anzolo Trivixan.

Sier Batista Morexini.

Sier Cristofal Moro.

Sier Alvixe Dolfin.

Cai di XL.

Sier Sebastian Trun.

Sier Vincenzo Bembo.

Sier Sebastian Michiel.

Savii dil Consejo.

Sier Antonio Grimani procurator.

Sier Piero Duodo.

Sier Piero Balbi.

Sier Lunardo Mozenigo, qu. Serenissimo.

Sier Zorzi Emo.

Sier Alvixe Malipiero.

Savii a terra ferma.

Sier Gasparo Malipiero.

Sier Piero Lando.

Sier Nicolò Bernardo.

Sier Alvixe Pixani dal Bancho, e l'altro manca.

Savii ai ordeni.

Sier Alvixe Bembo.

Sier Mafio Lion.

Sier Daniel Barbarigo.

Sier Lorenzo di Prioli, e l'altro manca.

Executori.

Sier Domenego Malipiero.

Sier Luca Trun, qual *etiam* è su la artelarie.

Cassieri.

Sier Francesco Foscari.

Sier Zacaria Dolfin.

Avogadori.

Sier Marco Loredan.

Sier Marco Minio.

Non. Sier Arseni Foscarini, amalato,